



UNIVERSITÄTS-
BIBLIOTHEK
PADERBORN

**Io. Baptistæ Portæ Neapolitani Magiæ Naturalis Libri
Viginti**

Della Porta, Giambattista

Frankfurt, 1607

De superiorum virtutum attractione. Cap. IX.

[urn:nbn:de:hbz:466:1-70772](https://nbn-resolving.de/urn:nbn:de:hbz:466:1-70772)

Molesta dicit Hippocrates purgationes ante, & post eam, nec secandas venas; plerasq; demonstrat Galenus operationes in diebus decretorijs obseruandas, & necessarias admodum. Nec minus in serendis segetibus, iactis seminibus, & plantarum propagationibus. Nec te magnorum syderum configurationes lateant: è signis discessus, vt aquæ, igneæq; impressiones, in aëre videantur. Quod si hæc æquo animo confixeris, quis non omnium inferiorum causas sydera ipsa esse coniicit? quibus iam ignoratis, maxima secretarum operacionum scientia perire deprehēditur. Sed quid ex his nancisci poterimus, docuimus in Phytognomonicis.

De superiorum virtutum attractione. C A P. IX.

DIXIMVS de cælorum effectibus in hæc inferiora, deq; rerum consensu, dissensuque; subiungemus nunc ex agnatione naturæ, quomodo superiorum virtutes attrahere possimus. Platonici Magiam vocabant attractionem vnius rei ab altera, ex quadam naturæ cognatione. Mundi autem huius partes, ceu animalis vnius membra, omnes ab uno authore pendentes, vnius naturæ coniunctione inuicem copulantur: ideo sicut in nobis cerebrum, pulmones, cor, iecur, & reliqua membra à se inuicem trahunt aliquid, seq; mutuo iuuant, ut uno illorum aliquo paciente, compatiantur: ita huius ingentis animalis membra, id est, omnia mundi corpora connexa similiiter mutuant inuicem naturas, & mutuantur, & ex communi cognitione, communis nascitur amor, & ex amore cois attractio. Hæc vere Magica est. Ab orbis Lunæ concavitate propter naturę congruitatem sursum trahitur ignis, ab ignis concavitate aer, à mundi centro terra ad iufermam trahitur, & à suo loco raptur aqua. Hinc & magnes ferrū, & electrum paleas, sulphur iginē. Sol flores multos, & folia ad se trahit, & Luna aquas. Plotinus, atq; Synesius inquiunt: Magna vbiique natura est, videlicet certa quædam pabulis vbiq; certis incans, non aliter, quam centro terræ grauia trahens. Luna concavo levia, calore folia, humore radices, cæteraque similiter. Quo quidem attractu secum ipso deinceps mundū trahant sapientes Indi, dicentes mun-

dum

dum esse animal passim masculum simulatque fœminam, mutuoq; membrorū suorum amore ybiq; coire secum, atque ita constare, vinculum vero membrorum inesse per insiram sibi mentem, quæ per artus infusa, ut diximus, molē agitat, & magno corpori se miscet. Hinc Orpheus naturam ipsam müdi, louemque marem appellat, & fœminam, usque adeò mutui suarum partium coniugij vbiique mundus est audius. Esse masculinum sexum fœminino vbiique commixtum declarat signum ordo, ubi præcedens masculinum, subsequens fœmininum, sic arbores & herbæ, vt animalia utrumque sexum habent: mitto quod ignis ad aerem, aqua ad terram, masculi ad fœminam vicem habent, ut nō mirum sit, membra inter se mundana mutuum coniugij concupiscere. Planetæ partim quidē mares, partim fœminæ, Mercurius hermophroditus. Quod sanè animaduertens Agricultura, præparat agrum, seminaq; ad cœlestia dona: similia quædam efficit medicina in corpore nostro, tum ad nostram fouendam, tum ad vniuersitatem naturam vberius comparandam. Sic & Philosophus astrorum peritus, quem proprie Magum appellare solemus, quibusdam illecebris, cœlestia terrenis opportunè quidem, nec aliter inserens, quam insitionis studiosus agricola veterem recenti stipiti surculum. Subiicit Magus terrena cœlestibus, imo inferiora passim superioribus, vt ferrum magneti trahendum, & cristallum Soli illuminandum, vel ouum gallinæ fouendum. Præterea sicut nōnulli fouentes oua etiā sine animalibus vitam illis ex vniuerso conciliant, & sæpe materias quasdam opportunè parantes, absq; ouis, manifestive seminibus animalia procreant, vt apes ex bove, ex ocimo scorpionem, vitam videlicet à mundo, materijs certis, opportunisq; temporibus adhibentes, sic & Magus ubi cognovit quæ materiæ, sive quales, partim inchoatæ Natura, partim arte perfectæ, & si sparsæ fuerint congregatæ, quæ cœlitus influxum suscipere possint, has, eo regnante, potissimum colligit, præparat, adhibet, sibique per eas cœlestia vendicat. Vbicunque enim materia quædam, sic superis exposita est, sic ut speculare

vitrum vultui , pariesve oppositos voci subito supernè patitur, ab agente potentissimo, à potestate, virtuq; mirabili vbiq; præsente. Proclus vero libro de sacrificio, & Magia dicit, quod Philosophi quum considerarent in rebus naturalib. cognitionem quandam , & mutuum nexus aliorum ad alia , & manifestorum ad vires occultas, & cuncta in cunctis inuenirent, Magiam condiderunt, agnouerunt & in insimis suprema, & in supremis insima; in cœlo quidem terrena non propriè, sed secundum causam , modoque cœlesti , in inferioribus vero cœlestia, sed modo terrestri. Nam vnde putamus plantas illas, quas heliotropias nominaant, ad Solis motum solem versus moueri? & selenotropias, id est, lunis equas, ad Lunam verti? Quamobrem in terra quidem aspicere licet Solem , & Lunam, sed pro qualitate terrena, in cœlo autem plantas omnes , & lapides, & animalia pro cœlesti natura , quæ quidem veteres contemplati, alijs cœlestium, alijs terrenorum adhibuerunt, vnde diuinæ virtutes in locum inferiorem ob quandam similitudinem deduxerūt: nempe similitudo ipsa sufficiens causa est ad res singulas in uicem vinciendas. Si quis papyrum calefaciat, deinde subiiciat lucernæ proximæ, et iam si non tangat, videbit accensam subito papyrus, quamvis non terigerit ignem, accensione q; desuper ad inferiora deſcendente. Comparemus igitur papyrus calefactam cognitioni cuidam inferiorum ad superiora , appropinquationem eius ad lucernam opportuno usui rerum pro tempore, loco, & materia, processum ignis in papyrus, præsentię diuini luminis ad id, quod potest capere, accessionemq; papyri deificationi mortalium, materialiumq; illustrationi, quæ deinde seruantur sursum instar accensæ cannabis; ob quandam diuinæ seminis participationem.

Quemadmodum ex mundi contemplatione arcanarum rerum cognitio dependeat. CAP. X.

EX totius mundi faciei contemplatione, motu scilicet, habitudine, & figura, ex nascentibus, crescentibus, occidentibusve rebus arcanorum cognitionem depen-